

TILSKOT REKRUTTERING OG KOMPETANSEHEVING I LANDBRUKET VÅREN 2021

Tiltak	Søkjær	Kort omtale	Tilskot
Grøn utdanning i Vestland	Vestland fylkeskommune på vegne av landbrukspartnarskapen	Prosjektet skal jobbe for å auke rekrutteringa til naturbruk i Vestland. Hovudmål er å auke interessa hos ungdom i Vestland for naturbruk og dei grøne næringane. Prosjektet skal bidra til auke rekrutteringa til naturbruk, synleggjere kompetansebehov, synleggjere karrierevegar og styrke samarbeid om rekruttering i Vestland. Prosjektet skal bidra til at fleire ungdommar, foreldra til ungdommar, lærarar og rådgjevarar kjenner til moglegheitene i dei grøne næringane. Vidare skal prosjektet bidra til at landbruksnæringa i Vestland samarbeider godt om rekruttering og kompetanseheving. Prosjektet er eit samarbeid mellom Vestland fylkeskommune ved avdeling for Innovasjon og næring, alle dei grøne naturbrukskulane i fylket, fagлага og Statsforvaltaren i Vestland. Alle midlane i prosjekt går ut til aktivitet.	630 000
Søknad om støtte til pilotprosjektet Dagskurs i landbruket	4H Hordaland	4H Hordaland ynskjer å gjennomføre ulike dagskurs i landbruk. Kursa vil vere for barn og ungdom i alderen 10-18 år. Kursa vil vise eit bilete av kva det betyr å vere bonde i dag, og kva eit lokalsamfunn kan tilby av ulike aktivitetar. Innhaldet på kursa vil vise noko av variasjonane i næringa og miljøet rundt, m.a. ny teknologi for å redusere utslepp av klimagassar, skog, frukt/bær, tilleggsnæring, mattradisjonar og flisfyringsanlegg. Det er tenkt 4 kurs, i tillegg til at alle dei 35 klubbane blir oppfordra til og å gjennomføre dagskurs/dagsaktivitetar i løpet av 2021.	65 000
Kompetanseheving, nettverksbygging og rekruttering	Norsk Bygdesagforening	<p>Prosjektet har som mål å vidareutvikle næringskjeda frå skog til ferdig produkt – med vekt på spesialmaterialar og handverk/tradisjon. Norsk Bygdesagforening arbeider for at tradisjonell produksjon av skurlast med fokus på spesialvirke kan bli ei attraktiv tilleggsnæring/leveveg i landbruket. Spesialvirke er særst etterspurt, gir god pris og konkurrerer verken med dei store sagbruka eller byggvarekjedene. Bedriftene vil verte attraktive supplement til volumindustrien.</p> <p>Prosjektet byggjar på tidlegare prosjekt og kartleggingar. På seminaret "Vi som satsar på tre!", vart det avdekkja eit ønskje/behov frå næringa om å få til eit kurs i materialkvalitet og vurdering av skog på rot i høve til spesialvirke. Dette er også ønskje frå Norsk Bygdesag si nyetablerte ungdomsgruppe. Etter å ha gjennomført kartlegging av treforedlingsbedrifter i Vestland i 2020, har ein god oversikt over potensielle aktørar og nettverk.</p> <p>Prosjektet vil gjennomføre ei fagsamling med fokus på spesialmaterialar/restaurering- freda og verna bygg i Vestland, eit to-dagars kurs i materialkvalitet/ståande skog (teoridel om restaureringsmateriale, og praktisk del på skogbruk) og ei samling med ungdomsgruppa med fokus på rekruttering.</p> <p>Målgruppa er lokale skogeigarar, sagbruk, handverkarar innan restaurering, kulturminneforvaltarar, offentlege kulturbevararar, ungdomsgruppa i Norsk Bygdesagforening.</p>	150 000

Korte kurs	Mo og Øyrane vidaregåande skule v/Liv Horvei	<p>Prosjektet "Korte kurs" går ut på å arrangere 10 ulike kurs i 2021/2022 ved Mo og Øyrane vidaregåande skule, avdeling Mo. Dette er sett i samband med at Mo har bygd opp eit kurssenter som har som mål å tilby godkjenningkurs og sertifiseringar det er krav om, og i tillegg også tilby kurs som er etterspurt av næringa. Målet med kursa er at deltakarane får den kompetansen som næringa krev og har behov for, og at deltakarane får dokumentasjon og kursbevis på sine kvalifikasjonar. Effekten av prosjektet er meir kunnskap og auka tryggleik i landbruket. I tillegg får bøndene dokumentert kompetansen sin og kan lettare ta på seg oppdrag utanfor gardsbruket.</p> <p>Stillaskurs m/ fallsikringskurs, Traktorkurs, Bruk av farlege småverktøy, Varme arbeid, Sveisekurs, M-1.1 Arbeidsmiljø, M-2.1 Masseforflytting, M-2.2 Truck, Autorisasjonskurs i plantevern og autorisasjonskurs i smågngemiddel.</p>	230 000
Korte kurs i skogbruket i Vestland	Sogn og Fjordane Skogselskap	<p>Sogn og Fjordane Skogselskap søkjer om midlar til å arrangere til saman 25-30 fysiske arrangement, og 10 digitale arrangement for skogeigarar, og for ungdom med skoginteresse lokalt kring i kommunane i Vestland i sesongen 2021/2022. Hovudvekt av kursa skal vere i Sogn og Fjordane. Kursa vert organiserte og gjennomførte ved eit samarbeid mellom søkjaren, prosjektleiaren, og landbruksforvaltninga i kommunane i fylket, som sit med lokalkunnskap om kor trongen for kursinnsats er størst.</p> <p>Sogn og Fjordane Skogselskap har gjennomført opplegg av tilsvarande art dei tre siste åra - i siste sesong noko hemma av noverande korona-situasjon. Men interessa har vore stor, og det har blitt brukt ein del digitale løysingar. Det vil dei framleis halde fram med.</p> <p>Kursa fordeler seg på 6 ulike kategoriar kurs; tømmerkapping for skogeigarar, skogfondkurs, kurs for nye skogeigarar, kurs i PEFC Skogstandar, motorsagkurs for ungdommar og kurs i skogplanting. Kursa er dei same som støtta tidlegare, med unntak for det siste som er nytt frå 2021. Kursa som siktemål å auke kompetansen hos deltakarane, gjere dei meir motiverte for innsats i skogbruksnæringa og stimulere til vidare utdanning i næringa. Prosjekt målet er å få 400 kursdeltakarar.</p> <p>Dei fire førstnemnde kursa er særleg retta mot skogeigarane, og kan og vere aktuelle for skogsentreprenørar og skogbrukssjefar i kommunane. Motorsagkurs er retta mot ungdom, og kurs i skogplanting er aktuelt for både dei som ynskjer jobb til å plante skog, og dei som vil plante ny skog på eigedommen sin.</p>	200 000